

## Гіса МасихІ адирулѝ

1 Нель заманаль Августліин аьліиру ханаь хІукму бойн Римліин эліхозо хІукматйоль бичихоси насин халкъи цаха. 2 Квиринийаліин Сирийас хан йальру заманаль, жа халкъи гьичІла адаьси цаххо зовн. 3 Нелькъаз райн насин бикІин кьіІмес шагъарйатІа цахрера. 4 Йусупно икІин Галилейзас Назаретліин шагъарйай Йагъудийальхор, Биплеемліин эліхозо Давудзо шагъарйагъор, шидаліин элілѝири жа зовн Давудзо тухумйос жекІу. 5 Йусуп икІин халкъи цахзагъор несистов лъарашавни бару Марйамде садахъ. 6 Биплеемкъо Марйамес лІулІа заман байн. 7 Ойн нельа гьичІла адаьси ужи. ГелчІахно утирно эхъерно Жа посурзо гьисона тель, шидаліин элілѝири лІирбаби бичихозо гьуІтка жедур мочи бесун ану. 8 Нель мечозах игоза зовн ахІоби. Жеду бичих зовн сасахъор мецрах посун цІунзи родин. 9 БетІергъанес хІалкІолъикъаз роліихъур жедуль адаьзар боліихно бичин малаик. АхІоби бигтов буІкъно. 10 Хизйо малаикаь эліин жедухъор: «Межи даьхъ баІкъно! Ди нехаьси йоль межухъно, назон халкъимохъно рохелйос хабар эсаних! 11 Давудзо шагъарйа жахъуІль ойс межи мунахІйозахъай хвасар бойхоси жекІу — БетІергъан, МасихІ! 12 Рийн ричилІ эле межур: гелчІахно утирно гьисона тель эхъраьси межур эса йоль эгъе хехби». 13 СулІли малаикде садахъ роліихно ассазай оз, жеда рец-бакъ бойн тІадегІан ойх зовн Аллагъ: 14 «Рец йоль Эжени, тІадегІанавни Аллагъер! Дунйалкъо йальру нигІматйаби рина йоль Несир бетихозо халкъимор!» 15 Хизо-къіІмер рутин малаикби ассагъор ризиноси, ахІозаь жеда жедухъор эліих: «Іа бикІан Биплеемкъарно, безан, шебичей рохъно раьсу эло, лъинальаьйчей БетІергъанань элухъор эліин раьсуліин?» 16 Хехлѝикъ ахІоби гьуних элагъор бохъно, бесун жедур Марйамно, Йусупно гьисонаь тель кецаьси хехбин. 17 Жа хехби букайрун, ахІозаь такрар ройн жедухъор малаикза неси хехзахлъаьй аьліиру шебин. 18 Насин гІенекизи бахъру халкъи ахІозаь аьсиру хабарйокъ хІайран бохъно. 19 Марйанань йолѝи кинав рахъру шебин рокІель рисно хецих зовн.

20 АхІоби хизо-кѣиІмер бутих Аллагъ тІадегІан одихно, Несир  
рец-бакъ бодихно, жедур тахърун, рукайрун шебин малаикаъ  
аьІирухор рохъзакъ.